



5 e 19 de xullo de 2012. A [Fundación Biodiversidad](#) ven de seleccionar dúas actuacións propostas por ADEGA no marco da iniciativa ["Playas, voluntariado y custodia del territorio"](#), xunto con outras 30 actividades en todo o estado.

Alén de continuarmos divulgando a problemática das especies invasoras e a importancia de conservar os ecosistemas dunares, estas accións teñen por obxectivo aumentar a concienciación cidadá, divulgar e promover iniciativas de custodia litoral, facilitando ferramentas de conservación. Outros dos obxectivos é acadar un mellor estado ecolóxico dos ecosistemas dunares.

Abrimos o prazo de inscrición

para estas dúas xornadas de voluntariado ambiental. Participa na conservación das nosas dunas!

A primeira iniciativa seleccionada pola Fundación foi ["Mares sen plástico: limpeza simultánea de praias"](#) que se realizou en toda Galiza o día 8 de xuño (día dos océanos) e que conseguiu mobilizar a 700 persoas en 25 areais dende Nigrán a Ribadeo pola defensa das praias e en contra da contaminación mariña. Agora ADEGA convoca a segunda actividade que leva por lema

"Conservando as nosas dunas"

. Trátase de dúas actuacións de voluntariado ambiental que se desenvolverán nos días 5 e 19 de xullo.

O xoves 5 de xullo, as actuacións de voluntariado serán na praia da Corna (Pobra do Caramiñal), onde realizaremos labores de eliminación de flora exótica invasora e limpeza do areal. Esta praia ten un ecosistema dunar ben conservado mais con numerosas ameazas que poñen en perigo tanto a flora como a fauna. Tamén é un dos lugares da nosa costa onde podemos atopar píllara papuda (*Charadrius alexandrinus*) a cal se atopa en estado vulnerable. Esta actuación dará continuidade aos traballos realizados por ADEGA no

[Proxecto Corna](#)

, no que alén de eliminar flora exótica invasora, realizouse unha campaña divulgativa sobre o valor deste ecosistema e a necesidade de protección da pílara das dunas.

A segunda xornada de voluntariado será o día 19 de xullo e se desenvolverá no concello de Porto do Son, co cal ADEGA ten firmado un convenio de Custodia litoral para a preservación dos valores naturais deste concello. Esta xornada de eliminación de flora invasora será na praia de Areas Longas traballándose tanto nas dunas como nas lagoas litorais de Xuño e San Pedro de Muro (pertencentes ao Complexo Húmido de Corrubedo). Darase continuidade aos traballos realizados anteriormente dentro da iniciativa ["Móllate polos humidais"](#).

PROGRAMA XOVES DÍA 5 DE XULLO

9.00h	Saída dende Santiago de Compostela
10.00	Chegada á praia da Corna (Pobra do Caramiñal)
10.15	Chegada e presentación da actividade
10.40	Roteiro pola praia
12.00	Comezo dos traballos de eliminación e limpeza
14.30	Xantar
16.00	Continuación dos traballos

18.30 Remate dos traballos, toma de datos e foto de grupo

19.00 Regreso

Serán actividades gratuítas onde o voluntariado contará con seguro de accidentes, alén de ter cubertos os gastos de transporte e comida. As voluntarias e os voluntarios que queiran participar en calquera das dúas xornadas poden apuntarse ou pedir información no seguinte enderezo:

Ramsés Pérez (Coordenador de Programas de Educación Ambiental de ADEGA) ramses@adega.gal //

Telf: 981 57 00 99 e móbil: 616 23 80 50

Este proxecto forma parte da iniciativa [Playas, voluntariado y custodia del territorio](#) .



Colabora o Concello de Porto do Son

